

彛

壽

軒

詩

鈔

寄庵十七歲小象



式生羅皆鑽肅軍變蠻寒藥肝巖磔崩
謂苦窳窳編臈闡穽出關昆侖河多經
豈謂離庭概三趨新火全澆磨尺秋膳
此驚離腹何如晏夕瑟酣豔捧本晨出
太焚下不終性腹希東坡一吐不合時
因多巧籥乎故鄉湖山悲蕭木寒江獨
客雙鬢皓飄飄大瀧瀾瀾滄田派雪
飛鴻過我相非相老頭顱

癸亥秋日寄庵居士自題

時年七十有四

張舍人事略

張君仲甫名應昌山歸安改籍爲錢唐人父倉場公五子君居次孝友馴謹舉止若寒儒無貴公子習年十六舉茂才學使爲東吳相國潘文恭公時梅堇尚書鐵保公與倉場公同官江南以倉場公與君伯叔父皆十六歲遊庠君能繼武尙書爲文記之後君之弟與長子與廉入學年歲亦符長樂梁荏隣中丞又爲記倉場公合兩記鐫石題曰英髦集泮記英髦集泮者前學使宋文正公所題君家孤城者屋門榜也年二十一舉於鄉實嘉慶庚午科主司爲諸城尙書劉文恭公前相國滿洲穆彰阿公房師則衢州司馬大埔楊公諱中龍辛未試禮闈卷爲畫簾槎太史桂敷所力薦且賞其五經文沈博絕麗闡中傳觀以爲必售矣而主司斥其四書文首藝

王周易經義立說未能聯捷僅挑取膳錄太史惋惜爲刻五
藝同門卷中歲甲戌援豫東例以內閣中書舍人候銓道光
癸未冬補

實錄館膳錄恭繕

仁廟實錄是歲書成

恩給一等議敘本班先用並

賜銀三十兩大緞三卷紅綢二卷至丙戌歲將補官而君於
春闈前恆忡疾作憊然南歸歸則鍵戶著述輯春秋屬辭辨
例編若干卷以春秋書法必聯屬其辭排比其事而乃明仿
前人沈文伯趙東山毛西河方望溪顧震滄之書分門合類
集其大成春秋之大事咸提綱彙目至於一事一字識其小
者亦悉采擷庶說別類分門而經文句字無不顯之義焉若

夫以例說春秋拘泥穿鑿久爲千古之障謂史固有例但所謂史例者乃策書大體簡牘恒辭當如是書其事各不同其告辭書法各不同具以其文不能同又况簡牘脫略傳授闕誤舊史所無者聖人不能益經成以後脫誤者又學者所當闕疑而先儒字字鑿生議論誣聖已甚而卒於全經不通復彙輯諸家辨謬辨疑之說以破之謂善言春秋者莫過於孟子其事其文其義數語惟屬辭而事著義亦著惟辨例而文顯義亦顯其所辨者大抵皆三傳胡氏之舛謬以程子所云以傳考經之事迹以經別傳之真僞二語最扼要棄經從傳春秋之義固支離盡束三傳獨抱遺經春秋之事又何所徵實要之以經爲主傳之可從者取傳以證經傳之不可信者從經而舍傳所輯自漢至昭代數百家之說以經學

國朝爲盛所采

國朝數十家之中張氏彝歎方氏望溪顧氏震滄高氏雨農
郝氏蘭皋之論說尤掃盡雲翳炳見日星故采取爲多蓋積
三十年之力至老而書乃成焉沈氏名蓀朱氏昆田編南北
史識小錄十六卷君爲校正其書并以八書增補重訂爲二
十八卷刪補精博爲苑苑取材之淵藪晚年又輯

國朝詩二編一曰

國朝詩鐸采有裨於吏治民風人心世教之作比香山新樂
府以爲警勸一曰

國朝正氣集則皆詠歌忠孝節義之事也又編榮祿公勤教
堂廉訪公儀吉堂倉場公省綠室同甫贈公青藜精舍各詩
文爲清河家集君自著彝壽軒詩鈔若干卷煙波漁唱詞曲

若干卷有稱其詩者君謝不敏曰吾於詩未嘗學問未窺門
徑也乃一意爲詞闢折縣邇郭君頻伽稱其絕去甜俗獨標
清綺蓋定評也哲兄同甫贈公五應鄉科未第却塞以歿君
爲梓其遺文並教其孤讀書成進士君大父榮祿公弼城浮
星橋勤教堂老屋遺諭命中丞公昆弟俟妾陳氏身後改爲
支祠中丞公承命乞浙中大吏制府孫文靖公中丞帥仙舟
先生方伯繼蓮龔先生廉訪祁竹軒先生爲文國篇記之迨
中丞公卒後十八載陳太孺人身歿維時諸叔父皆亡無主
持者幾廢其事君於同輩昆弟中爲長率羣季集議遵祖命
改建祠宇以妥先靈而繼先志而榮祿公以下各支無所歸
之主咸安祠焉工成以支祠記四篇勒諸貞珉並以祠宇祀
遠開列呈請郡伯示禁後人佔僭盜竄勒石祠中君體素羸

少壯與藥鑪爲伴晚習攝生導引體乃稍強愛山水遊覓詩
酒友朋之樂至五十始衰以後痛長子茂才興廉之歿年過
周甲以避兵適越旋賦悼亡次子茂才與厚爲祿養計以司
馬需次江蘇未二年遽以疾殞蓋至是而老境轉不安閒幸
天懷曠達今年七十依然強飯健步日事鉛硃矧忘疲行
開八秩著述等身方知陸務觀以老學名其庵爲不虛也咸
豐九年夏五同里世愚弟魏謙升拜手撰

彝壽軒詩鈔目錄

卷一 嘉慶辛未至道光乙未

家大人恭與茶宴紀 恩詩 又 恩賜澄泥硯恭賦

仁壽山歌 理安寺訪淨公不遇

石屋洞贈聖庵上人 同甫兄赴閩途寄一律謹和

弁山白雀寺 道場山歸雲庵

甲戌不赴試和篠槎師詩 茗溪返棹

湖州豆腐 哭兄同甫公四首

偕許玉年南湖看梅二首 吳閶節署清德堂感賦

詠一腳踢帳 丁丑又不赴試寄懷篠槎師

哭康甫三弟二首 夜過鷺脰湖二首

舟行絕句九首 辛巳九月北行舟中四首

汶河道中

月夜聞雁

竟河道中

微山湖

衛河

北河

寄呈川督蔣礪堂師

首四

養鬚

哭輓礪堂相國夫子

題陳叔廉面壁圖

呈林少穆撫軍

首四

邗上訪李榕園觀察賦贈

首三

偕夏松如楊雪樵雨中登山

吳山同松如晚眺懷吳仲雲

鬚白有感

敬題先大夫平海百字碑後

集汪小米水北樓

哭汪子黃

卷二 道光丙申至戊戌

超山古梅歌

自超山看梅至西谿

竹墩至桑林道中

首二

舟行枕上口號

游鳳凰山至慈雲嶺首十六

登韜光暮至借秋閣

憩坐冷泉亭

縱游登高傷足杜門自解

見山樓歌爲錢秋峴賦

集見山樓補秋峴集詩牌句

病足卻遊答彥甫松如

翁西邨所藏古陶器歌

哭汪小米二首

題曾稽女子題新嘉驛詩卷三首

六和塔次韻二首

晚秋西溪道中

集延慶道院用樊榭韻

雲泉屬和南屏看紅葉詩扇

題魏滋伯西齋用蘇詩韻

過朱彥甫睡心室次彥甫韻

集延慶道院次同人韻

萬峰山房新葺次彥甫韻

花朝日集可園分韻

游慈雲嶺育王山續去年句四首

詠獨秀石疊萬峰山房韻

城東潮鳴寺次周澹巖韻

孝慈庵訪青雨上人

西溪道中

游華鵬厯僧舍十二

虎跑寺用蘇詩韻

法相寺

穎秀塢訪留餘山居故址

夜泊鹽官城聽潮

游陳氏安瀾園

五首

秋晚放舟邗上得十絕句

訪家叔未丈新篁里

登潤州江口銀山是日渡江

臘申山茗上轉禾中復成十絕句

篁里重訪叔未丈疊前韻

裏湖觀打魚

二月苕溪道中

泛舟至普甯寺觀古本牡丹

蕭齋

題山舟學士詩草卷子

偕盧葵生游湖上十絕句

荷雲居山至七寶巖步月歸

雲居寺次壁間韻

攬雲樓和壁間韻

偕鄒魯詹游北山宿韞光

小除日彥甫臥瀾樓餞歲

卷三 道光己亥庚子

正月六日雪霽至湖上

雨中登飛英塔

吳興重建

吳興歸舟

四首

雙林晤姚師竹感懷鏡塘師

大雪自塘棲歸

雲棲竹徑

自雲棲登五雲山

題竹嶺擎雲圖

當湖

乍川觀山眺海

五十生朝感賦

五首

冬初西溪道中

十月十五夜長鹽山館

由三竺登棋盤山至龍井

江干至雲棲歸憩開化寺

四首

題魏英姑截指圖

銷寒四詠

生白酒大羊魁

凍豆腐醃冬菜

小除日餞歲臥瀾樓和韻

庚子新春疊前韻

湖壩過亡友周勿堂宅感賦

周號叔鐘拓本為伊少沂題

雪後出北郭瓜山看桃花

又用樊樹春寒詩韻和次白

阜亭看花用鐵厓花游曲韻

三月一日次白招禊游疊前韻 重過皇亭桃花落盡

由橋李至篁里二首 吳門贈楊芸士

游姑蘇西山八首 獅子林

蘇藩署訪邵丹畦姊登感賦 垂虹亭

無量寺瞻呂廢六畫羅漢 金陀園

煙雨樓 杭州顯真院于忠肅公玉帶歌

輓朱彥甫四首 題徐墨卿丈西谿銷夏圖卷四首

詠菱人周滄嚴藏 題潘伯春山堂八詠冊八首

詠酒龍余易此各 題靈雨峰孤山梅鶴圖三首

卷四 道光辛丑至癸卯

初春入三竺遊靈隱諸洞 閏三月小輞川莊看牡丹

游南屏登天然庵又至理安 以理安茶贈雪泉用蘇詩韻答

初夏江上放舟

借程雪門

漁浦挂席至富春與雪門聯句

晚泊桐廬用竹垞初白韻

七里瀧

富春桐江道中雜詩

八首

送林少穆制府謫戍西陲

夏夜宿小輞川莊

四首

上元夜宿白楊村

白楊村及雨疊前韻

二首

山居再疊前韻

登小和山謁金蓮寺

舟泊塘棲

石門灣

送梁苴隣中丞致仕回閩

二首

消垂虹亭

舍山

擬杜諸將五首次原韻

和曹葛民移居詩次樊榭韻

四首

游龍井棋盤山天竺雲棲

三首

塘棲曉發

晚泊八測

楓江曉起

呈程晴峰中丞

二首

歸棹石門道中

哭亡兒興廉首四

壬寅除日感懷

胡琅圃招集仰山樓分韻

塘棲放舟暮泊溪村

鄧尉探梅

司徒廟古柏歌

元墓聖恩寺

木瀆

辨利院禮大士像和前人韻

菩薩廟觀嘉熙石龕題名

虎邱竹枝詞記

歸舟阻城關暮泊城外二

楊雪樵解組過杭奉贈首二

題楊蓉友歷山話雨圖

楓江道中二

販馬行

夜寒

輓陸子乘四

卷五

道光甲辰至丙午

和次白西谿梅竹山莊詩

答澹巖寄懷二律

題唐善業堊拓本用杜韻

初秋偕秋岷宿蘇公祠四

讀陳謬庵壽松堂詩續集

贈蓮衣上人

六首

次韻題鷹樊榭徵君像

和次白祀徵君永興寺

續前

書馮祭酒看梅題名冊後

題畫十六首

題周邦叔鐘圖拓本

附同人題詠

題唐安國寺碑殘石拓本

初冬舟行

入測道中紀事

壽陳謬庵六十

十四首

還居老屋紀事

十四首

禾中遭水厄戲作

賀少穆制府召還督秦中

和范隣中丞出游吳越詩

十四首

題晚香居圖

雙樹樓獨坐

題明末浙中七君子尺牘冊

蘇祠雪乳泉

賀家叔禾丈次君又得秋元

二首

賀汪竹隱丈重宴鹿鳴

二首

吳門贈沈西鰲觀察同年

游惠山暮飲皇甫墩

雙樹樓劉雪

南隣雙樹忽見其一感賦

題楊雪樵二圖

卷六

道光丁未至咸豐辛亥

次白移居薦橋用樊榭韻

庭花相悴句以惜之

秋日居雙樹樓得入絕句

晚秋集澹巖冬青書屋

冬初放舟茗上疊前韻

南隣梅樹見後復萌句以祝之

見山閣對雪

小除日靈芝寺和金子翰韻

宿菰城學宮東隅舊屋

葉東園赴粵過杭奉贈

初夏登韜光次題壁韻

題環夢禪韜光觀海圖

重至靈峰悵然有作

由靈芝寺至南山看紅葉

游理安宿韜光看日出

絕句

西谿看蘆花暮過交蘆庵

小除日靈芝寺疊去年韻

六十生辰自述六十韻

答琅圃病巾見懷次原韻

輓陸園泐文

游葛嶺二首

游雲居清平山和滕字韻

雲居寺芝桂堂和壁間韻

拂塵庵訪屠胡二君讀書處

雨花庵和高小垞韻

雨後吳山步月疊前韻

女孫荃子歸句以命之

敬題清河詞翰冊後

敬題辦香寶墨冊後

暮春遊南山初夏續遊其八

飛來峰觀瀑布歌

登蓮花峰頂

雲林寺早起

送普圓碑墨蹟于韜光紀事

登北高峰大觀亭

題認庵近詩

外孫吳同堦游泮誌慰

雙樹樓十二詠十二首

泛湖看紅葉書蓮衣畫卷

補齒戲作

暮自唐嶺歸白楊村二首

林文忠公輓詞二首

雪後見庭梅初著花

四獨吟四首

葛壯節公寶刀歌

度曲口號

四首

至南屏感懷諸亡友

歲暮偶成

答謝子翰贈煖酒小鑪

卷七

咸豐壬子至乙卯

讀南北史

十首

秋日湖上

癸丑暮春之初客游鑑曲

度荆山嶺入關林道中

病榻

瞻禮汪錢二王祠

謝滋伯惠山豬肉

杉墩訪蓮衣上人雙樹行庵

二首

暮春出郭

春日西山口號

七首

輓湯雨生都督殉節金陵

和子諭桐江見懷

題滋伯攘臂吟詩集

二首

秋初泛孤山麴院至延青水榭

西谿看蘆花宿蘆庵分韻

蘆庵早起次壁間韻

登秦亭山疊前韻

南隣榆樹漸茂疊舊韻祝之

答小垞謝贈杏葉詩

冬日汎丁家山下

入蟠嶺過金廷尉墓道

南屏謁明張忠烈公墓

和雲泉詠壽星竹杖

題大漠行旅圖

立春日喜聞惕齋姪擢侍御

以硯易畫用蘇詩韻贈沈匏廬

湖上饒歲用蘇詩韻

除日甲子喜晴

壽陳詠庵七十一

西谿訪僧一如宿交蘆庵

西谿返棹

東軒

蘇藕和雲泉

題汪靜芳夫人佇月軒遺稿

題許訊岑明湖圖

南隣老楊竟枯再疊舊韻

湖上泛月宿橫翠樓聽雨

厚兒赴秦寄吳仲雲書附句

題陸秋濤解溪歸釣圖

集十三間樓訪小槐籜

春秋屬辭辨例編刊成漫題

百二

感舊詩

九首

題倩影樓詩詞燼餘豪

南山觀打魚歌

卷八

咸豐丙辰丁巳

新春雪後放晴

人日疏影庵觀盆梅分韻

題釋溥周獨立雪梅間圖

湯節愍遺墨古柏圖

皇亭看花宿章氏溪莊贈主人

游鳳凰山暮至梵天寺

游韜光疊甲申舊道韻

題景秋田跌坐圖

四首

登七寶山玉清樓看飲山房

借羅鏡泉游虎跑理安

四首

喜惕齋典試粵東前年韻

伏夏江上送客月下觀潮作

紀旱二首

中秋後二日簡滋伯

書薛觀察太守治奸民事

贈裴船赴吳門

呈趙靜山撫部

冬初西溪道止

吳下病歸題香溪泛宅圖後

二首

東軒偶成

讀法時帆先生詩恭和一首

讀史四首

自題 國朝詩鐸

自題 國朝詩正氣集

此集失稿

蘇祠水亭坐月

小雀爲狸奴搏斃感賦

句贈滋伯蒲奴之稱

游吳下又感疾悵然成詠

過含山至新市

南山看桂遂游烟霞水樂洞

四首

晚秋雨後坐雙樹樓

九日飲西齋和滋伯韻

可羨園看菊贈項秋伊主人

約友湖上看紅葉疊舊韻志感

葛芝山夫婦殉節詩

送秋感次西齋前韻

淨脩四詠

經卷香爐

念珠蒲團

輓章次白同年

五首

冬柳四首

歲暮

銷寒四詠

盤冰聲夜春聲

街柝聲爆竹聲

殘臘過林處士祠

卷九 咸豐戊午巳未

宜春帖歡喜團二首

過城東臯園和滋伯蛇字韻

題汪少洪遺照二首

湖上坐瓜皮艇口占

游臯亭至龍居佛日疊蛇字韻二首

重游臯亭山下再疊前韻

百步塘瞻水月老人遺像

游龍居佛日二寺二首

偕楊綱士游西谿聯句

梅竹山莊感逝次壁間舊韻

重過永興寺感懷疊舊韻

三月旣望西谿道中

泛舟揚仁里

過姥嶺下山村

虎跑泉亭上用蘇詩韻

吳山仁王寺次元人韻

渡江至西陵

蕭山祇園寺

隆興寺

湘湖城山寺

曹山岩訪陶石簣讀書處

吼山空明庵

觀越山鑿石處

游蘭亭感懷長律用進退格

詠杖

題丁竹舟松生風木齋圖

新市曉望

烏戍薄暮

歸舟偶成

二首

舟中嘗新采菱

題許玉年瑞芍軒詩遺集

哭次兒興厚四首

彗星次四憶堂集中作

七十感懷自述八首

由三竺至雲林憩冷泉亭

茶煙

花影

四首

紀李君與趙僧君兩探花事

過金波園有感

題高小垞不秋庵遺詩

謝滋伯餉陳酒

高飲江屬題生九世遺蹟圖

厚兒周年感賦

葬兩兒三婦三午湖山悲賦

脾疾久而甚賦此自解

賀長洲宋子文姓重宴鹿鳴

亡兒興厚蒙

賜卹

贈知府恭紀

病中自歎

詠接本花木

鈔詩草竟書後

卷十 餘生草

咸豐庚申至同治癸亥

紀粵匪陷武林事

庚申二月

哭義僕陳四

遭難出門轉徙至豫章作

吳門和夏子儀贈句

冀東黃氏園

章門喜晤惕齋希齋兩姪首

七月十六夜小觀自亭坐月

南昌寓舍

滕王閣空亭遺址

劉氏學圃

喬氏小園 四首

贈董耕石明府

永福禪林

食蟹二律限尖關韻

和許枚卿妹葦見贈二律

枚卿疊韻簡示再和二章

陳氏別墅眺雪酬克齋主人

章門立春日

讀梅庵上人松雲精舍詩

謁新建侯王文成公祠

紀許真人西江破賊保城

傷食自警

上巳日過陳氏園

和滋伯寄示移居做廬詩

章門竹枝詞

何處難忘酒效香山作

愁病老五首

先送心歸極樂天四首

驚聞生米鎮玉隆宮燬

示家人

吳仲雲遠寄禦寒資賦謝

待月賞花等詩六首

畢章之攜家來南昌賦贈

登高後歸飲登去年韻

贈別杜漱吾往吳州疊前韻

禁口戒殺書示家人

驚聞武林復陷悲賦

哭女孫荃殉節

壬戌新春

題錢直卿誦芬圖卷後

哭惕齋姪六首

葬惕齋于南郭外悲賦

悼陸姬病亡一百韻

葬陸姬于南昌郭外感賦 壬戌除夕

癸亥新正

腹疾服董杜二君方驗志之

贈單藻林太守二首

去吳平贈別杜漱吾

喜家益川來寄西江賦贈二首

懌齋將迎余赴粵先寄答

登寓舍露臺望西山

呈沈幼丹中丞二首

答魏稼孫寄示詠金石詩 傷心二首

哭適吳氏女病歿于永康 贈別吳少尉之官樂安

題吳穎函參事畫 自題小像

希齋姪得孫 讀香山晚年病中詩自警

卷十一 餘生集 同治乙丑丙寅

重游泮水年客鄉賦四首 病中王霞軒太守餽酒賦謝

哭懌齋姪四首 閩邸鈔再哭懌齋二首

百花洲江張二公祠觀荷

題胡筠生補讀圖

水觀音亭坐月

將歸武林留別章門諸友

四首

章門放棹

二首

阻風陶家漚

順風過鄱湖口

出瑞洪湖口

泊木樨灣

康郎山

弋江道中

中秋弋陽城外

河口贈別王子槐少尹

河口雨後放舟

二首

信州夜泊

二首

玉山登陸至常山

六首

常山曉發

暮抵衢州

龍游

蘭溪

七里瀧

將至富陽阻風榨溪

次日泊富陽

富陽夜發

抵里過故廬荒址悲賦

吳外孫招同居仲雲親家屋

亂後歸省 先塋敬述

哭亡友八首

哭金思圖孫壻

初冬舟行

松陵道中

吳門歎

喜晤舟甫弟並悲念憊齋

二首

烏戍溪村

泊新市紀游

感懷送別薛慰農觀察

呈蔣薌泉方伯

喜晤老友曹葛民

贈吳康甫少府

招九姪來依膝下喜賦

游湖上新築勝地六處

白蘇祠故址感懷並傷亡友

歲暮書懷

乙丑除夕丙寅元旦二首

奉贈秦澹如觀察

程容伯光祿贈句奉和二首

送蔣薌泉中丞開府粵東

二首

靜坐偶成四首

卷十二

餘生草

同治丙寅丁卯戊辰

九月恭詣天然二瞻禮二首

步登韜光

雲林寺待月不出

冷泉亭曉坐

十八夜亭間看月上

過湖上萬骨冢悲賦二首

雨中訪雲棲寺

雲棲訪先蹟碑刻書冊悲賦

讀南史梁蕭恭傳

寓隣寄園供菊次朱西泉韻二首

爲人題大癡山水障子

十月出郭至留下

入餘杭山中

山居雜興二首

閑林鎮

改葬韓恭人祔葬珮琚紀事二首

西溪泛棹

訪洞山古洞

過滋伯北郭舊居荒址

失去舊杖復得欣然紀之

放舟由禱李至吳門四絕

唯亭夜泊

黃渡

滬濱夷塲

申浦至鐵沙二首

滬川觀劇

青溪至嘉禾道中六絕句

喜幼孫宗延來侍

悼子婦陳氏歿于都門

踐夙約以興岳嗣陸姬紀事

題東軒吟社圖四絕句

舊集

題費曉樓詩詞遺集

題汪蓉垵遺繪山水大冊

垂暮

輓許文恪公滇生篆宰

四首

除日立春

丁卯人日對雪

呈吳仲宣制府二首

仲雲將歸葺屋以待賦此

初春至三竺疊舊韻

晚春由西谿登午潮山

川沙陸遜墓觀大銀杏樹

題胡菊隣吸醺圖卷

移居薦橋街

題惺齋姪雲來山館遺集

題金子久雲間吏隱圖

登傷老友徂謝感賦

寄庵默坐二首

喜晤汪伯勵並讀近詩

一首

雨中湖上集蘇二絕句

呈馬穀山仲丞二首

九日攜幼孫登吳山第一峰

憶小說家老僧語

吳門往反四首

潘季玉五十壽二首

潘順之六十壽二首

贈蒯子鉅觀察二首

和葛民夜坐佛閣詩

戊辰元旦

讀寄庵集題贈

簷簷研麝寫冰詞猶憶蕭灘錄別時樂府舊傳三影句選樓

新訂四愁詩煙波漁唱詞先會刊行緘題未啓心先折吟諷

更番味轉滋慙愧報瓊才思弱顙山笠瘦鬢成絲

哀樂中年事漫論故山晚怯陣雲屯江關詞賦追騷響客邸

鶯花帶夢痕偶語性情思骨肉得傳著述勝兒孫報公近概

公應羨秋爽愚樓數舉樽余館蕭江屢集郡齋談藝文謙殆無虛日

仰屋書看已等身衙齋商榷翦燈頻文因脫俗惟求潔語不

矜奇只愛與後世我慚丁敬禮先生今是葛天民他年更續

南園社吟徧梅花嶠外春游將

頻年游處竹林俱淚斷宜陽感索居詩似亂雲吹總失官如

殘夢醒都虛眼中舊雨誰知已醉裏蒼天莫問渠珍重零瑣

勞掇拾臨風

讀一歛歛

話雨齋遺詩仲文搜刻僅四十篇附置編末知其散佚多矣

山陰杜葆恬漱吾

錢塘浩想盡成灰幾卷詩存氣數該賦罷小園哀比庾吟成
七發健追故人如松古經霜久句似峰奇捲雨來淡遠別傳
高格調真教香味冷於梅

騷壇曾記推陳夏卷帙無存造物慳

吳江陳詒庵明經爲先君至好吳門夏爾甫

先令與裕交最摯皆有詩名

獨有靈光尊魯殿長教健筆時

吳山苦吟入定幾成佛

叔長耽咏偏忙那得閒著作等身非

淺事天留詩度鎖人寰

姪光裕益川

彝壽軒詩鈔卷一

錢唐

少專帖括未嘗學詩壯不勤學但

窮年莫殫之杜癖又放逸乎壯夫不爲之已

之旨趣不辨李杜韓蘇之門逕未窺此不堪自享之傲常
敢與人歌而相和填篋第以志人事歲月耳赧然羞乞大
匠之斧斯咸豐己未應昌自記

嘉慶辛未

家大人述職赴

闕歲前抵都

召對優禮

命與新正初四日

重華宮茶宴廷臣聯句賡詩之會是日聯句七言長律既成

復恭和

聖製七律二章蒙

獎賜珍綺時應昌隨侍敬賦紀

恩詩謹按茶宴故事惟一品大臣及命蓋異數也

元會朝正日曷臣述職辰凱歌方靖海時蓋異數也

勝字恰宜春茶宴以春勝爲題因節物綵勝推勝字名義歷紀

聖武勲厯駿皇朝武功之盛

宸章義炳麟賡

詩承

寵命侍

宴列華茵拜手諧爲觀瞻

天聽鳳鈎颺言巴里詠

褒錫上方珍孽出文房貴

頒來組綺陳卷阿傳盛事紀

遇歲維辛

家大人以

賜物中澄泥硯一方賜

昌

珍藏

昌

謹紀

恩榮事略鐫于硯背恭賦一律

玉皇案側捧琳腴

寵錫儒臣禮遇殊方物貢陳來號絳

硯

潯州澄泥唐人品以為第一又絳縣人

善治澄泥硯

賦才研練配京都紫雲搏埴輕綃色碧玉磋磨膩理

膚

君賜 父傳子孫寶須將華

國墨花濡

仁壽山歌 并序

明嘉隆間四川按察使僉事對峰金公始忤嚴嵩外
謫繼又以杖宦官馮保家奴爲巡按劉劾職歸墓在
西湖仁壽山蔓草荒烟人罕知者九世族孫余同年
友亞伯舍人 應麟表識舊阡徧乞碑志傳其事又於
故篋得公遺像裝冊徵詠

岳家顧天錄載之金陀文象臺表孤忠名以知柔存

元胡知柔撰象

臺首末一編絕其
父忤權譴成事

古來丹心浩氣終不湮顯揚必有賢子孫

明聖湖頭草沒路古塚犁田已無數歸然馬鬣仁壽原道是
前朝僉事墓僉事傲骨雲霞胸獨醒獨清當嘉隆生既憤憤
沉霧遮太陽死又寂寂勁草埋長松賢哉九世孫爲刪墓門

棘玉篋尊藏道貌留鴻文紀鏤空碑勒三百年來潛德昭湖
上行人生歎息當年狐鼠燄熏天東廠東樓柄代專天子寒
心稱大伴班頭瞋目叱推官江陵筌相橫梭手鄢趙乾兒奴
婢顏含沙射水儒者怯蠅營狗苟完人難望之好男兒裹足
肯隨仲翁後申屠翹直臣衝冠欲斬鄧通首漢家梁冀呼豺
狼階下董榮是雞狗但願交彈白簡歸去來不願捩拾青詞
牛馬走須臾鈐山堂天水冰山消老奴馮子都黥猾將安逃
周石林天水冰山錄紀奸相籍家之事老奴黥猾穆崇目馮保語也百年能貶亦能褒忠臣正
氣猶並高峰高至今封墓有杜羔嗚呼康樂祖德詩子厚柳
惲碑天意之中有人爲君不見僉事大名字宙垂

壬申

理安寺訪淨公不遇

羣山盤繞湖南來蜿蜒到此面面排幽篁古栢徧蒼翠四圍
雲母屏風開聞道九溪十八澗廣長溪古今如練靜極不聞
深處鐘青多遮盡松間殿路轉峰迴迤邐走忽見雲中亂招
手山僧且休訪姓名丹梯導我曲曲行聞道主僧下山去詩
囊梵夾盈几橫主僧說法參二諦澄公卓錫淨公繼伏虎呼
龍是祖師菩提明鏡爲文字得道原須慧業人眼前山有點
頭意濯我骸垢探龍泉一泓方鑑清且漣仙源不受世塵染
靈明法雨常涓涓呼僮引泉烹紫筍肝脾沁徹香雲天倚樓
遙數窗前山山種茶采雨前采茶人稀春未老時有軟語
來林間闌干凭徧意未足攝衣更上松之顛翼然有閣松顛
跨森森羣木都在下江塔遙與朱張齊衆山盡入明窗罅許
子畫筆如有神達摩馭風吹下雲山中面作黃金色悄無青

鳥銜飛塵

壁有許玉年畫
達摩奇古有跡

溪山如此迹不到勞人應被山人

笑願攜書卷伴桡檀雞犬那得天風召嗟我入山難久留斜
陽去去重回頭笑問洞天福地王緣何翻向城闕教

石屋洞贈聖庵和上和壁間澄谷和上韻

依舊螺浮海坡公迹已陳寶中千百佛鐘際雨三人石擁僧
孤坐詩園壁一巡蝸廬談世界禪寂不知春

癸酉

同甫兄下第赴闕別後途中寄示二律謹和

幾月又傷離登高送遠時秋江催客舫落葉寫愁詩旅況高
歌遣歸程隔歲期傷心吹別怨怕說舊墳荒

節樓高建處趨鯁望南雲橐筆方多冗焚膏莫過勤尺書君
早寄獨學我何聞惆悵池塘上遙天過雁羣

富春舟中寄懷仲甫弟

同甫

一鴈又分離
河梁日暮時
秋楓江上棹
春草夢中詩
陟屺瞻前路
歸帆盼後期
小園今夜月
照影獨吹簫

歸來纔幾月
分屋住機雲
席帽吾堪愧
宵燈爾更勤
茱萸花共插
楊柳曲重聞
羨煞春令鳥
雙飛共一羣

甲戌

弁山白雀寺

松繞一千株
蒼蒼石徑紆
山屏將寺隱
僧影入林孤
不見聽經雀
時聞走樹鸛
亭巔還放眼
杏渺洞庭湖

道場山歸雲庵

幽絕南關路
天風振我衣
松濤聲謾謾
雲牖氣霏霏
太守遺徽在山
人古調希披
圖心嚮往瓢
笠願相依

甲戌春試不赴得董篠槎師書深以爲惜賦長歌見懷
敬步元韻奉答

長安之遠遠於日壯心欲投班生筆強語并竈大海濶深愧
雕蟲小著述桑生鐵硯空磨腕管寧藜牀未穿膝老鷲枯絲
乙乙抽每苦心肝嘔不出一蹴倖託秋風高再而振矣勗昂
開始嗟上國賓難充花樣不同笑怫鬱迺垂青眼孫山外歎
惜珠遺珊網鐵辛未禮闈師分校得余卷賞之三司以文全用易經語攢斥師爭之不從扼腕不已刊余
文於同門錄中慰之紗障偶然迷勗以劍光有時微擗材豈料登獲
門恨不讀書慙束髮相逢便請跼受教催歸無奈馬蹏疾別
來三載心耿耿郵書惇誨名與實鰕生刻楮仍未工末學初
無勝人術東風借便心飛去遙指絳帷親密勿高堂有命戒
遠行時山左值林清亂後執經問字心莫質契闊愈久思愈摯喜捧尺

書辦香潔書來諄諄讀書事杏花三度駒陰瞥感我師言轉
恐惶自顧何殊處禪盪邇時病骨羸且孱仲宣體弱思更室
三條燭下鼓氣衰爻占无咎在囊括科第誠哉毛髮耳奈何
文字成癥結萬卷徒令脈望肥一知恥作瞽人說摩壘遲揮
戰北戈負笈莫追指南轍縱使驚駘鞭策勤恐辜桃李栽培
切長歌三復敬書紳如在春風坐一月

原作

婺源董桂敷篠槎

文字深知從一日三年耿耿一枝筆筆外還憐一片心感
知時向天邊述情深晤淺悵迢隔僂指春中當促膝書來
忽告行且止高堂有命戒遠出上言舟車憚阻艱下言懷
思增契闊令我一讀一歎嗟舊事回頭重抑鬱握中搜得
蒼龍精誰教攢棄同凡鐵天星三環更三轉寶氣淹沈牛

斗微雖然命也又何言科第於身一毛髮知音聚首且莫
必況問雲選與風疾男兒讀書有事在杜門力學崇其實
恪其朝夕職分修遺編更究經世術乃翁節鉞應時須吾
子趨庭親密勿學成要使體合用才多莫遺文勝質俗士
摘辭耀聲編儒者立言歸玉潔百年少日最足惜跋烏千
躍三歲瞥蹉跎自顧鬢已霜於世何庸真蟣蝨如樵祖納
才既鈍禿筆文通思更望看人著述惜膚末竊恥雷同學
囊括遠蒙索觀末以應長歌用慰離懷結昔人千秋邇一
室燕趙咫尺安足說半生我悔衆中等後來子鑒前車轍
念睽雖恨會面遠劬學自喜論心切得詩遙想玩吟時悠
情不盡江天月

七月十二日茗溪返棹

小舫寬如屋平帆穩受風月輪全岸白漁火一星紅電影時
時閃雲波漠漠同桔槔聲徹夜愁殺野田翁

湖州豆腐

吳興賣漿兒煮豆妙天下漉巾水泉香翻匙雪花治切玉如
切泥晶晶雲子研入喉如入孔潑潑水銀瀉佐我脫粟飯調
我新筍羹一餐加再飯厭彼肥甘烹乃知至美物貴柔不貴
剛巽言耳易入淡交味彌長

哭兄同甫公

吾家有五常伯兄爲白眉與余齒相次孩提恒肩隨騎竹共
追逐奪聚還騰嬉攜手晨入塾連牀夜哦詩稍長角文藝負
笈同明師一試冠千軍聖童咸驚奇
兄成童初應試縣郡院
三試皆第一入歸安學
愧我愚魯質駑駘追驥騏兄才日益富萬卷供畚蓄風流比

思曼材莠如穆之奈何慧業人才湮復數奇

才可了十人數竟艱一第憶昔棘垣中苦吟膏晷繼百鍊復

千鏗金真而玉粹念親屬望懷不惜嘔心碎同儕競憐歎

試讀體投地前輩遠方來踵門觀妙製海內祝簡田太史父執左券

操決售矢以誓魏春松丈豈知目迷者輕風吹籜棄五試不一遇

抑塞英雄志遂窮方干途徒灑思光淚思光張融字融哭兄緒曰風流頓盡

科名等閒耳此才真可惜詞華屈宋儔史學崔劉匹著網鑑

萬三千餘言又著詩齊顏謝品書入歐虞室愛客不空樽聽

歌便能拍趨庭幕府開傳驛羽書急寸晷揮千言百函掃一

日公餘閉董帷宵燈勤著述天儻假之年金馬承明客奈何

未壯天才命如王勃年二十九是豈才人例問天天默默

我父惜兒深自悔勞傷愛我母痛兒切積日心成癆而

我形踽踽忽如失肩背 親衰任彌艱弟幼勞難代雁飛仍
一行參差獨爲隊鶴鳴瞻高天蚊負就重戴病嫂況寢瘵貌
孤方童昧仰俯事畜責所恐躬不逮遺編待阿宜抱藏且守
耐慟哭亡靈前萬感交五內

乙亥

二月十八日偕許玉年

乃穀

南湖玉照堂看梅

宋張功甫遺跡

吾家詞客舊林園三百梅花賸幾存當日穿湖香十里而今

張菜滿春原

一棹徑穿花十里滿城無此好風光功甫句也

紅樓曾未識徐娘但見樓前長翠楊豔說梅邊吹笛事粉奩
香枕也滄桑

同作

仁許乃穀

猶喜春光作意寒玉梅花事未闌珊如何樹樹都成雪心

已先梅一味酸

華隱樓頭人面賒徐孺老矣惜芳華生憎一曲南湖水不
替春風葬落花

丙子

憶丙寅歲余與同甫先兄侍

家大人蘇藩官署與汪

稼門中丞

志伊

嗣君論文談讌汪氏昆弟嘗招余昆弟

角藝於節署清德堂池水清漪書窗明淨分章賦就繼
以投壺致足樂也越九載家大人移撫吳中吾兄在
閩有吳宮芳草十年思之句深喜一堂聚首重到舊遊
處也詎意隨侍歸里遽返玉京滿意之歡變爲悽惻一
葦之邇邈若山河每一思之涕零如雨今春余省親
至節署堂前池枯屋破朝烏啞啞更增子敬人琴之感

舊懷振觸百憂叢生率成一律

結社當年已十霜重來隻雁太淒涼池痕枯盡春來草詩思
吟殘夢裏堂聚首吳宮緣竟斷勞心親舍力誰襄正愁踽踽
疎歸哺觸耳啼烏陣一行

詠一脚踢帳

雲幃巧製最安便張弛輕將一足擎拋起不勞驅細蚋倦來
隨處得酣眠低篷短榻舟中客清簟涼輒地上仙任爾么麼
攢萬鏃羲皇高臥北窗前

丁丑

丁丑春闈又不果赴奉懷篠槎夫子四十韻

愧乏登龍技深明薦鶚知汗顏慙飲墨得意喜從師過眼稱
方叔逢人道項斯才名樛櫟誤文字棗梨施坦率方貽笑雕

鍔豈有奇難穿維翰視幸侍仰舒帷忻慕纔攀驥倉皇遽唱
驪道長心不違別早會偏遲千里雙魚達三秋一日思昂頭
梅驛裏極目杏花時羨鳥心飛奮搏雲路渺瀰采薪憐負疾
贈芍怯臨歧蒲柳姿原弱虺隤馬更疲高堂愁顧復游子罷
驅馳再蓄三年艾重添十日饑綠波南浦杳春樹遠天垂鑒
此纏綿意傳來慰藉詞更將千古事遙與一生期科第眞何
補文章豈在茲讀書兼體用經世有猷爲斯語三番復孤香
一瓣持杜門知務本跬步必循規諉草嘗思樹園葵未敢窺
烏陵驚候忽蛾術陋銖錙桃李逢開又春風欲坐宜別愁如
岸疊人事復塵羈垂涕言桑梓摧心歷險巇依依大椿樹惻
惻蓼莪詩莫慰趨庭戚難禁捧硯悲問安須侍膳將母況求
醫眷戀陔蘭色淒涼杜杜枝伯兮傷玉折季也尙肩隨苦憶

分行鴈言懷集樹驪好音黃鳥託永夕白駒維胸澹看花念
情陳反哺私凜承函丈訓竊恥衆竽吹敝褐堪藏玉良月且
學箕河梁雖日暮燕越豈天涯折柳嗟重阻停雲賦十離何
年樽酒共身到鳳皇池

哭康甫三弟

我哭伯兄時汝年纔十三童幼難助我家政吾獨擔今歲汝
十六各事皆熟諳服勞喜有佐倚如車旁驂天又奪汝算厄
我無樂湛左右兩臂失中立吾何堪叔亡望我季數載還憂
悵一哭觸前痛如糜涕垂頷

伯兄班馬才宜入金華殿汝年甫成童媚學又不倦每爲舉
業文千言鋪藻綢聲調諧鏗鉤書卷工鍛鍊師友爭誇汝謂
是青錢選老父深愛汝期以青雲彥奈何石火光只作優

曇現再哭門祚衰摧蘭疊遭變

已卯

夜過鴛脰湖

霜寒風緊颭檣烏
淡月朦朧夜入吳
一片湖光半明滅
是烟是雨總模糊

蒼茫雲水無邊黑
零落漁燈數點紅
夢裏忽聞吹颭栗
驚心如在雁門中

舟行絕句

日日窗中送畫看
水雲林屋樣千般
安排嵌壁菱花鏡
一面能觀兩面山
斜陽下樹林陰黑
遠岬拖霞水色殷
更變一重瓊世界
月輪湧出小峰間

虹作橋痕橫古渡日搖水影上蓬窗行行盪入輕烟裏飛起
雪翎鳥一雙

白曉迷離水霧昏岸痕淡迤似雲痕爛霞湧上一輪日分出
花明柳暗村

波平如鏡皺如鱗縱使風來水自靈細雨有時三兩點圓紋
箇箇疊瓏玲

一篙點碎波中月雙艣旋成水面渦俯首臨流凝目處不知
背面好山過

船前風冷不妨迎船隙風尖不可撻冷但打頭尖刺骨機鋒
顯暗本分明

艣搖夢去又搖回報有村來野柝哀生恐扁舟愁思攪繙書
擁被翦燈煤

鷓首香焚一點紅
舟人歲歲祝財豐
阿蒙私向清波禱
但挂征帆要順風

道光辛巳

九月北行舟中

紅葉青山繞渚濤
風光如此別鄉林
鳥飛久已無心羨
但望停雲客思深

雁正南游人北去
閑篷坐聽朔風聲
擁衾寒夜渾無夢
欲聳吟肩句不成

年來一事重堪嘲
客裏纔能卷不拋
臥看江山與經史
舟車好箇讀書巢

馬足輪聲已殆煩
雞蟲得失不須論
軟紅踏慣東華土
那似西湖繞夢魂

汶河道中

久住船中與屋同朝朝好景到窗篷粗絲細縠潏潏浪去馬
來牛順逆風落日黃時村樹黑月輪白處市燈紅疎林茆舍
眞清絕一幅倪迂畫筆工

月夜聞雁

十年重聽北飛鴻此日鄉心更不同舊侶凋零千百感一時
盡在月明中

竟河道中

渡過淮東似箭波銀鱗又見浪紋拖隨舟處處呼魚蟹臨浦
家家曬網羅淺岸平蘆秋水濶長隄高柳夕陽多風光澄秀
如吾里振觸羈愁可奈何

微山湖

極目晴川路輕帆十幅蒲山隨行棹去鳥入遠天無小舫爲
家住荒村有酒沽翛然雲水外清夢遠菰蘆

衛河

九曲濁河紆彎環到直枯斜行舟似蟹圓折水成珠急浪參
徐浪來鳬繞去鳬東西窗並啓梭影看金烏

北河

北河十月曉寒增晝掩蓬窗小几凭風欲揚時雲縷縷冰初
結處水稜稜酒磨凍硯吟毫醉飯入空腸暖氣蒸同憶鄉園
春不小深閨應未擁篝燈

寄呈川督蔣礪堂師

憶侍經帷星一終鶴慙不舞對羊公櫟枵拳曲原材朽蒲柳
凋零況病攻三鼓未全消壯氣半生已負坐春風葵殘不改

傾陽志耿耿心香寤寐中

引領西川節度旌錦城勲業接羊城

三朝篤契臯夔德四海傾心富范名遍地求才囊盡貯瞻天
仰

聖柱能擎自憐小草枝條弱幸向韓門砌下生

雜感頻仍壯歲馳雨風錯迕過春時還珠幸慰趨庭願捧硯
悲吟述德詩同榦連摧傷子雅析薪難負愧豐施羽譙祇合
安鳩拙難問青雲路速遲

重上長安努著鞭背城怕聽鼓填然鳳池已看人先奪雁塔

難知我有緣快覩鴻編爲渠幾深慙燕石賜雕鐫公選制義
昌作選及

買絲欲乞金鍼度悔負詩書已十年

甲申

養鬚

忽與少年別光陰半古稀詩難成箇字衣未著層緋妻怯案
眉舉友疑面目非無端攢百感行樂莫遲違

庚寅

哭輓蔣礪堂相國夫子一百韻

相業

三朝重師傳一瓣呈大星驚夜落寰海慟梁傾旦奭維邦哲
蕭曹乃國楨个臣端立鵠元老颺祥鵬舊蹟圖鴻雪耆年賦
鹿苹仙心初寫露瑞夢已和羹試馬旗飄柳簪花宴設櫻爲
文真倒峽日冠早登瀛著作班揚富詞華漢魏鏗芸編校東
觀蓮炬領西清四出輶軒采千枝桃李盈求珠披萬卷翦燭
到深更

當展容龍納朝陽聽鳳鳴臣惟焚草拜

主識濟川亨四國需蕃翰雙江啓旆旌土風儲楚梓民俗感
田荆禦寇瞻鷹擊懷威息雀爭山陬思買犢海上助殲鯨陳
臬前猷纘宣藩百度貞雁噉歸席舍虹氣報銅阬節鉞中丞
樹雲霓浙水迎至今桑梓土謳昔黍稷聲潮汐消金堰籌車
賤玉杭槐黃秋舉實稻紫曉祈晴連帥紅飛旆華簪翠拂纓
重華剛錫讌兩粵又專征桂海驂鸞遠韓江化鱷誠島夷咸
陸讐蛟室盡波平梅嶺通巫嶺羊城接錦城苛除猛虎政德
服餓狼兵繫虜交川郡防邊細柳營牙璋方振旅石室並培
英鎖鑰褒韓范鹽梅待傳衡趨

朝金勒寵典獄鏡堂明賑卹蘇三輔平章總六卿黑頭到槐
閣紫氣應芝莖周甲雙卮慶生申十賚榮宣勤

天語賜同德

御毫評穠杏春官屬新茶試院烹霓裳千佛會鐵網一籠盛
左右金爲礪東南柱孰擎拳帷兼將相騎竹樂童嬰僑政優
優大羊裘欸欸輕江淮沛膏澤草木憚威名挽粟排雲艦防
河守口罌三邦多藉經四載賴平成執掌臣真瘁良肱

帝待賡遵鴻音噦噦老鳳氣觥觥車備田侯坐詩尋洛社盟
何期箕尾隳忽賈馬頭程悲矣頽周幹傷哉折魯楹盈廷失
模楷行路泣瑰瓊綜覽三台業閒論一局枰德言功並立才
學識兼精朗朗羅星宿休休佩瑀珩日華真皎潔風度自魁
閎滄海無珠隱紗籠有鏡瑩咨諏皆政體處置近人情夙夜
公勤勗寒暄民瘼縈官檠銷蠟綠役鼓憫魚頽士價登門御
農疇鑄劒耕箴官嚴黜陟翦莠絕勾萌脫粟公孫儉汗茵邴

相宏袋惟藏呂冊金不積韋竄地負天涵大文通武達并嘉
謨照青史遺愛在蒼生憶昔椿年盛曾偕桂檝行步甄聯翰
墨分陝擁輦鉦合道侔金石同音比磬笙其瞻山嶽嶽交譽
鐵錚錚豈料摧霜木相從返鶴京呼天方創鉅立雪又心忤
溯舊科登乙從遊歲在庚雲梯攀寸艱鎖闥起高糊果有紗
能障渾誇玉是瑛逢人稱李廌角藝許張紘請業師如父橫
經弟與兄兩都聆鼓吹五典憂琴箏問字傳衣鉢論文示榜
檠經腴參杜預詩品說鍾嶸自笑居籬鷄難爲出谷鶯纏綿
驅豎擾坦率倒兒綳情耒耕無穫拋梭賈不贏匠門慚櫟散
化雨負義菁永愛春風坐何來噩夢驚太山今失峻明鑑孰
開盲睽侍尊前文時惟丙歲正黃爐成契闊白日掩光晶集
舍頻來鵬登邱欲采蝨鶴陰先怛化鴻案共憂嚶涼露悽山

驛悲風動屋囊鮮民歌蓼蓼孤子歎熒熒冀北空臺榭江南
冷杜蘅念茲擔笈士慟甚受壓氓莫與陶硤礫誰其斲桐枅
身無青眼及目望絳帷瞠不朽無嗟憾何依自觸振魂招千
里夢心作十年醒春雨供芹韭秋風薦橘橙長歌寫哀慕襟
袖淚縱橫

壬辰

題陳訢庵

來泰面壁圖

水定月輪現風定池蓮香定入靜安境定生智慧光儒釋無
異學能定道乃臧達摩卽顏子面壁如坐忘精誠破金石頓
悟通微茫障之徑路絕乃有風雲颺縮諸芥子小乃覩須彌
藏靈芽忽洞豁虛室皆光芒立證如來地高坐選佛場淵淵
陳伯玉性道爲文章萬卷破癥結千篇吟琳琅妙得清淨理

二氏通其旁對此一片石跣結心清涼境除空有障意降龍
象狂五眼六通闢希夷契真常蒲團坐如鐵傳燈明燄長披
圖愧我拙儒佛兩茫茫心鑊日煎沸木彊慚面牆從君乞棒
喝指與養性方可能悟真如迷川度慈航

癸巳

呈林少穆撫軍

時撫
吳中

歡動三吳萬姓蘇黃童白叟舞交衢大名宇宙真宏達濡澤
江湖久浹濡永夜未遑身暖席凶年不使米成珠高軒親問
閭闔苦早息哀鴻庚癸呼

漏天難塞恐成災請命蒼生仰籲哀丹赤自能將日捧精誠
果可使雲開若無水旱

堯湯世安見明良稷契才此日已教登衽席熙熙人其樂春

臺

政煩俗傲久因仍既倒狂瀾挽獨能競說此州來郭伋安能
十郡肖劉宏飛書似羽傳三箭列案如山掃百層鯁野那知
論吏事但瞻雙鬢已蕭髻

憶昨趨庭越七年謁公重至畫堂前蕭曹魏丙同無異冰水

青藍後勝先陟帖兒心感風木距先公撫吳時越七年墮飯人事憫滄

田余家爲人傾累公云祇可作墮飯破釜觀耳寇公欲乞

君恩借重蔭棠陰到里塵

邦上訪李榕園觀察彭章賦贈

薊門客舍柳條春蘭省看君踏軟塵科第少年誇玉筍文章

美遇贊

絲綸挑燈

詔草飛傳捷退食詩筒響答頻慚愧楚驢難學步長安冷炙
自悲辛

五馬看山到桂林欽奇天與拓詩襟蠻烟嶺外歸雄覽春雨
江南續好吟縞紵同心欣澤麗箕裘嘉話說棠陰君與今中
公同年摯友尊公研畬官雲間舉頭笑指賢星聚重訪官衙
同馬宰新陽時邑人爲立祠
話夜深

三山三傑並才名先大夫與君及少穆並隣雨先
生均摯交嘗稱爲閩中三傑當日椿庭
傾蓋盟京國游蹤聯酒榼吳都宦轍共棋枰先大夫屢官吳
中三君又相繼
蒞止袁嗣祖楚勲相繼陶徑黃壚事已更一朶彩雲光爛漫照
來未隔水盈盈

偕夏松如之盛侯官楊雪椒慶珠雨中登吳山

愁煞啼鳩日日聞落花時節幸逢君畫中烟雨皆春樹眼底

江山但白雲滑磴客還飛屐響晚晴天也策詩勲登臨且酌
沉沉夜明日輕橈袂又分

吳山同松如晚眺有懷吳仲雲太守

振核

次松如韻

極目氣清森秋懷結暮陰夢隨江樹遠愁入海潮深樽酒思
前日關山想獨吟何時雲返岫對影樂同心

同作

錢夏之盛

秋氣正蕭森登臨正薄陰林聲挾風壯天影入江深千里
寄遐想幾人同醉吟黃壇高會杳不盡別離心

甲午

鬚白有感

秋雪蒙頭早新霜繞頰增心驚斜日晚寤歎壯懷冰誑世回
春術空情入定僧休言不稱老氣候有依憑

乙未

敬題 先大夫平海勒石于山百字碑拓本後謹按

請嘉慶十一年撫閩是時海盜巨逆蔡華昇擾閩浙粵

三省偽稱王號又有巨盜朱潰一大幫其他小幫賊匪

不能悉數府君蒞任即偕制府籌剿激福水師解散

賊黨嚴禁海口水米火藥接濟十四年七月制府阿林

保公入都府君奉命兼署總督專統軍事即

申嚴軍律督提鎮魁期剿捕又密遣標弁鼓勵南受督

人帶領出洋分路誘擒遂將各幫次第剿撫當甫受督

篆時聞蔡逆本船在閩浙交界即飛調閩省水師提帥

王君得祿浙江水師提帥邱君良功星馳合剿府君

駐廈門馳赴北洋乍浦一帶搜捕未得逆蹤府君察知

邱提軍有逆船以該逆多詭悉託詞在北賓匿在南容

飭率師迅速南向八月十六日兩提帥接咨會即南下

十八日追及蔡逆於黑水外洋各鎮將圍攻擊沈逆船

蔡逆落海伏誅獲賊匪無算會兩提軍馳章人奏奉

旨予王提軍子爵邱提軍男爵府君優敘軍功

加三級並賜珍綺是役也僚屬觀府君優敘軍功

之勞僉謂非府君先得賊蹤飛檄促戰詎能若斯神

速府君曰調度探蹤乃倖中耳戮力擒渠實將帥之

功余何敢居乎是時朱潰已斃弟漚領其眾三千餘人

聞蔡逆殲而懼十一月率眾詣省乞命府君會同新
任制府方公入奏得旨准投闕洋兩巨魁平商
民得安祗席紳士競撰詩文彙成平海臚歡一編并於
省垣于山鑿石紀功字大如斗府君啓載平海臚歡中碑
闕中紳士書及紳士公復七月張中丞公權總督八月
文云嘉慶十四年己巳秋七月府君啓載平海臚歡中碑
殲蔡牽於黑水洋九月朱渥率其眾三千餘人乞降
公受以聞計公權印再踰月威震氛消邦人不忘遂敬
書奏功年月於于山平遠臺側事始末別具記銘公
系張名某某浙江歸安人是年季冬閩中紳耆恭記

秉兩月旄平十年盜寰海歡臚羽旗捷告一解殲厥大憝降

彼三千雷風迅掃恩威並宣二解

帝命大賚班爵酬庸推能讓善武臣勲崇三解武臣之功臣

何力有

賜級

賜珍戴

恩高厚四解我公不矜邦人傾心我公不伐邦人懷音五解

發蹤指示公能將將公雖讓美民不能忘去聲六解有五可傳

無五不避不可招來弗能禁止見往復兩書七解大書深刻于山之

陽百字鑱勒千年焯煌八解此山不驕此碑不朽燕然浯溪

與漢唐偶九解邦人詠歌國門懸之家珍摹拓子孫傳之十

解

一 附錄

姪興烈懌齋

一 先皇御宇居乾宮六合混一車書同海波不揚四夷服光

一天化日無纖雲蠹茲跳梁朱與蔡繹騷竊據炎漠東山腥

一 海醜肆猖獗幫聯鳳尾排矇腫惟時南昌正入 覲 帝

曰咨爾堪平戎欽哉爾往撫閩會丹墀 錫命 殊恩隆

麒麟繡衣印懸肘冠嵌孔翠金瓏璫澎湖島外統貔虎左

旗右鼓山龍嵒狼烟塞海震霹靂蛟澗捲地騰靈靄螭舫

蠻艘盡沈裂鯨鯢血染滄波紅妖雲斂迹兵氣息雙輪日
月光瞳瞳親承廟算授方略扶桑日出懸朱弓受降執
馘月三捷吹鐃擊鼓聲隆隆九重慶慰下優詔臚歡
中外忻忻矚神耆交口稱大德欲效鐘鼎銘勛功致書三
辭不可止大樹應勝將軍馮巨靈擘翠運玉斧祝融踏海
挈銀虹垠厓百丈字如斗雲根岌業撐青空峴山墮淚永
刊石伏波題柱爭范銅傳家述德子孫寶千秋萬載垂無
窮

五月三日集汪小米遠孫水北樓次小米韻

養病文園慣掩關遊情飲興未能刪招來水北一樽酒綠遍
樓前千疊山愛讀新題晴雨句壁間黃鸝青題句晴便擡頭
雨低眼滿窗山色半牀書
醉聽雄辨笑談間任他笳鼓見車競心共水雲如此閒

哭汪子黃

肅

憶昔韓門侍絳紗藍田生玉挺琪花伯魚詩禮傳家學雛鳳
才名蔚國華一第忽焉亡李賀三生邈矣慟侯芭修文竟作
才人例搔首呼天枉歎嗟

尊公實潯州牧余受業師

門庭俯仰最堪悲棟折如何大厦支冉冉鬢容多病母牙牙
乳抱獨生兒謝家樹萎傷零落范釜塵生費主持欲慰九原
全事畜丁寧杞婦損哀思

善病休文我自憐賴君藥石體安便那知蘊抱長桑術翻使
凋零蒲柳前日下書猶來隔月酒邊袂但別經年英姿慧業
崇朝盡慟念人琴意黯然